

MAURICE, DAVID (1626 - 1702), clerigwr a chyfieithydd

Enw: David Maurice

Dyddiad geni: 1626

Dyddiad marw: 1702

Rhiant: Andrew Maurice

Rhyw: Gwryw

Galwedigaeth: clerigwr a chyfieithydd

Maes gweithgaredd: Crefydd; Llenyddiaeth ac Ysgrifennu; Ysgolheictod ac leithoedd

Awdur: John James Jones

mab Andrew Maurice, deon Llanelwy. Yn ôl [Browne Willis](#), bonheddwyr o Sir Amwythig oedd Andrew Maurice, ond yn ôl Wood (*Athen. Oxon.*), o sir Ddinbych. Dywed 'Llyfr Silin 'a [Walter Davies](#) ('Gwallter Mechain') ei fod yn yr wythfed ach o [Ieuan Gethin](#). Dywed [Philip Yorke](#) (*Royal Tribes*) ei fod yn perthyn i gangen ddiweddar o deulu [Clenennau](#). Ond yn ôl [D. R. Thomas](#), *A History of the Diocese of St. Asaph*, pais arfau [Cunedda Wledig](#) oedd gan ei fab David Maurice, ac nid eiddo [Owen Gwynedd](#) nac eiddo Einion Efell. Ymaelododd David Maurice yng Ngholeg Iesu, Rhydychen, 3 Mehefin 1651, a graddio'n B.A. 1654/5, ac M.A. 1657, o'r Coleg Newydd. Daliodd y swyddi eglwysig canlynol: ficer Llangernyw, 1662; rheithor Cegidog S. George, sir Ddinbych, 1663; cylch-brebend yn Llanelwy, 1664; canon, 1666; ficer Llanasaph, Sir y Fflint, 1666; rheithor Gwytherin, 1675; ficer Abergele, 1684, Betws-yn-Rhos, 1684, a Llanarmon-yn-lâl, 1696. Daliai y tair swydd olaf pan fu farw, 1702. Claddwyd ef ym mynwnt Betws-yn-Rhos, ac y mae beddargraff Lladin ar ei feddadail. Cyhoeddwyd ei achwynaiaid mewn perthynas â'r 'Popish Plot' yn *The Information of J. Sergeant and D. Morris relating to the Popish Plot*, 1681. Cyhoeddodd hefyd *The Promised Reed: a sermon preach'd ... for the support of weak Christians*, 1700, a chyfieithiadau Cymraeg o ddau o weithiau Theophilus Dorrington o dan y teitlau, *Arweiniwr cartrefol i'r iawn a'r buddiol dderbyniad o Swper yr Arglywydd*, ... 1700, a *Cynffwrdd i'r gwan Gristion, neu'r gorsen ysig*, 1702.

Awdur

John James Jones, (1892 - 1957)

Ffynonellau

Charles Ashton, *Hanes llenyddiaeth Gymreig o 1651 O.C. hyd 1850* (1893)

H. Blackwell, [NLW MSS 9266A: A Dictionary of Welsh Biography](#)

British Museum. Catalogue of Printed Books (1882)

Dolenni Ychwanegol

VIAF: [75875879](#)

Wikidata: [Q5237240](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

